



Udruženje KULT
Obrazovno-raznodni centar za mlade SPAJALICA

Banjska ul. 2
71210 Ilidža
Bosna i Hercegovina

T/F: 033 637 290

sarajevo@kultbih.org
www.kultbih.org

ID: 4201232650001

IZVJEŠTAJ O RADU za period: januar-decembar 2008. g.

1. Promocija SPAJALICA

Udruženje KULT je od početka 2008. godine radilo promociju Obrazovno-raznodnog centra za mlade SPAJALICA. Kako bismo upoznali ciljne grupe sa ponudom, gostovali smo na lokalnim radio stanicama i televizijama. Do jula distribuirana su dva programa ponude SPAJALICE. Distribuciju su izvršavali volonteri/ke KULTA i to po školama, parkinzima i prolaznicima.

Dugo očekivano svečano otvorenje SPAJALICE dogodilo se 26.8.2008.g. Otvorenju su prisustvovali načelnik Općine Ilidža, ministar Federalnog ministarstva zdravstva, predstavnici/e svih nivoa vlasti, partnerske organizacije kao i prijatelji Udruženja KULT i SPAJALICE. Na ceremoniji otvorenja dodijeljene su zahvalnicama svim institucijama i pojedincima koji su pomogli u izgradnji centra.

U okviru projekta Zdrava okolina za zdrave mlade, uoči zvaničnog otvaranja Centra, postavljena je eko-tabla ispred zgrade Centra za mlade SPAJALICA. Tablu je izrezbario volonter KULTA Elmedin Mustoo. Na eko-tabli mogu se naći korisne informacije o zaštiti okoline.

Odštampali smo još jedan broj LICA, biltena Udruženja KULT, u kojem se nalaze sažeci aktivnosti u protekla tri mjeseca kao i intervju s načelnikom Općine Ilidža gospodinom Amerom Čenanovićem. Načelnik je za saradnju sa KULTOM rekao: „Moram istaći da je saradnja s KULTOM jako dobra i da KULT služi kao primjer udruženja koje je vrlo aktivno, koje je vrlo nametljivo i koje zaista zna šta hoće. Istakao bih i da je to udruženje koje je, na osnovu svih informacija koje ja imam, najaktivnije na području općine Ilidža. Ta saradnja će sigurno biti nastavljena u ovom obliku kao što je i do sada bila.“ Od ovog broja, LICA će imati rubriku „Brine li Vas što...“, u kojoj je istaknuta informacija o zdravom životu iz istraživanja koje je provelo Udruženje KULT na području općine Ilidža.

2. Strategija za mlade općine Ilidža

Udruženju KULT je na osnovi Strategije za mlade općine Ilidža povjereno provođenje aktivnosti koje se tiču mladih ljudi. U periodu od januara do decembra 2008. godine provedene su sljedeće aktivnosti, a za koje su finansijski podržane kroz općinski budžet:

- 1. Kurs engleskog jezika za nezaposlene mlade** pohađalo je četiri polaznika/ce sa Biroa za zapošljavanje od čega je troje uspješno završilo. Prvi stepen je trajao od januara do aprila, a drugi od aprila pa do jula. Osobe koje su dobile certifikat su: Ljiljana Govedarica, Jasna Pašić i Amira Mulamustafić. Saradnja sa Biroom za zapošljavanje uspostavljena je u oktobru 2007. godine. KULT se pridržava dogovora koji je postignut tada (da iste osobe prođu sve stepene engleskog jezika). Aktivnost u određenoj mjeri doprinosi željenom rezultatu i može poslužiti kao dobar primjer iz prakse.
- 2. Kurs računara za nezaposlene mlade** – 4 polaznika/ca sa Biroa za zapošljavanje su pohađali, a 3 je uspješno završil kurs računara za početnike



i kurs MS Office. Osobe koje su dobile certifikat su: Emina Subašić, Mersad Omanović, Eldar Jaganjac. Saradnja sa Biroom bila je ista kao i za kurs engleskog jezika. Aktivnost u određenoj mjeri doprinosi željenom rezultatu i može poslužiti kao dobar primjer iz prakse.

3. **Savjetovanje za djevojke** se održava redovno, jednom mjesečno i do sad je održano 9 savjetovanja na kojem je prisustvovalo oko 100 ilidžanskih djevojaka. Teme o kojima su razgovarali bile su: komunikacija, predrasude, problemi odrastanja kao i o problemima koje djevojke imaju. Do sada su na savjetovanje dolazile iste djevojke, ali se u posljednja dva mjeseca proširio krug osoba zainteresiranih za savjetovanje. To su, uglavnom, prijateljice i sestre djevojaka koje redovno dolaze na savjetovanje. S obzirom na probleme s kojima su djevojke dolazile na savjetovanje, do sada nije bilo potrebe slati ih u druge nadležne institucije (Centar za socijalni rad, Dom zdravlja i sl.). U narednom periodu, planiran je zajednički odlazak do Asocijacije za seksualno i reproduktivno zdravlje XY. Aktivnost u određenoj mjeri doprinosi željenom rezultatu i može poslužiti kao dobar primjer iz prakse.
4. **Sajam udruženja** – organiziran je u saradnji sa SOMI-jem. Izvještaj će pripremiti Savjetodavni odbor.
5. **Obuka za omladinske lidere „Uči, misli i djeluj!“ (UMiD)**– 4 mlade osobe sa općine Ilidža pohađaju UMiD, koji se održava u Obrazovno-raznodnom centru za mlade SPAJALICA. Tematske radionice koje su održane do sada su: građansko društvo, volonterizam, javno zagovaranje i timski rad. Radionica građansko društvo i volonterizam trajala je od 9 -11. maja, a radionica javno zagovaranje i timski rad od 30. juna do 3 jula. 2008. godine, 26-29. augusta održana je radionica Komunikacija i lobiranje, 1-2. novembra održana je radionica Komunikacija kao vid mirovnih inicijativa. Polaznike/ce obuke uključujemo u sve aktivnosti koje KULT organizira i realizira. Aktivnost u određenoj mjeri doprinosi željenom rezultatu i može poslužiti kao dobar primjer iz prakse.
6. Udruženje KULT pruža tehničku pomoć projektu **inkluzivne nastave** tokom cijele godine
7. U saradnji sa Općinom Ilidžom postavili smo informativni portal koji se nalazi na platou između Prve osnovne škole i Četvrte gimnazije. Tu redovno postavljamo korisne i zanimljive informacije.
8. U Obrazovno-raznodnom centru za mlade SPAJALICA oformljen je **Info-kutak** u kojem mladi mogu naći sve informacije koje ih zanimaju o omladinskom radu, seminarima, razmjenama, konkursima, projektima i sl. Udruženje KULT provodi ovu aktivnost na taj način što se pretplatio na dnevne novine Dnevni avaz. Svaki dan se iz Dnevnog avaza izdvoje bitne i korisne informacije i postavljaju na tablu u Centru.
9. U SPAJALICI je 22. novembra održan okrugli sto **Mladi i lokalne vlasti**. Na okruglom stolu govorili/e su Mahir Lokvančić i Mediha Dedić, vijećnici/e Općine Ilidža, a ispred Službe za obrazovanje, kulturu, sport i oinformisanje govorile su Aida Lušničkić i Amra Bojičić. Učesnici/e su bili učenici osnovnih i srednjih škola sa područja općine Ilidža kao i Savjetodavni odbor mladih Ilidža.
10. U okviru aktivnosti 5.6.5.4. provedena je obuka **Upoznaj svoja prava i herstoriju (žensku historiju), osnaži se i aktiviraj!**, koja se realizirala u



saradnji s Fondacijom CURE. Obuku su pohađale volonterke KULTA iz ureda Ilidža i Gradačac.

11. I ove godine obilježili smo Svjetski dan borbe protiv AIDS-a. Volonteri/ke KULTA dijelili su kondome i informativne letke.
12. Kao što je već dogovoreno, aktivnosti (Educirati mlade o temi „**Pušenje-ovisnost koja ubija**“, Educirati mlade o temi „**Reci drogi NE!**“ educirati mlade o temi „**Alkohol i mladi**“), realizirat će se u sklopu obuke MASLAČAK- reci DA zdravom životu, gdje će se sredstva utrošiti u kreiranje letka koji će biti distribuiran u osnovnim i srednjim školama na Ilidži.
13. Radionica Pisanje biografije i prijave za posao je održana 16. decembra. 13 nezaposlenih mladih prošli su jednodnevnu obuku i dobili su dvije brošure: Prvi koraci u potrazi za poslom, Federalni zavod za zapošljavanje, i Mogućnosti i značaj zapošljavanja mladih i razvoja omladinskog poduzetništva u BiH, OIA.
14. Projekat **Družimo se i učimo** provodio se od decembra i traje do sredine januara 2009. godine. Opis aktivnosti s vremenskim odrednicama:
 - 7.12.08.- „Zdrava ishrana“
 - 14.12.08.- „Opres u saobraćaju“
 - 21.12.08.- „Moja Bosna i Hercegovina“
 - 28.12.08.- „Koliko me drugi slušaju?“
 - 04.01.09.- „Sportske aktivnosti“
 - 11.01.09.- „Ekologija“
15. Projekat **„Nove metode u omladinskom radu“**

Predstavnici KULTA prisustvovalo je projektom savjetovanju koje je održano u Berlinu, od 11. do 14. aprila 2008. g., u organizaciji njemačke Fondacije Robert Bosch u okviru programa „Junge Wege in Europa“ (Mladi putovi u Evropi). Na savjetovanju su sudjelovali svi projekti koje je Fondacija finansirala u ovom krugu javnog poziva.

Tako su od 17. do 27. juna 2008. g. u SPAJALICI boravili 15 mladih iz Gimnazije Köln-Nippes (Njemačka) zajedno sa svojim nastavnikom. Oni su, pored upoznavanja s radom SPAJALICE i KULTA, družeći se s učenicima/ama Četvrte gimnazije s Ilidže te našim volonterima/kama, upoznali se s različitim kulturama i načinima života, poteškoćama koje mladi imaju, modnim trendovima te drugim sadržajima koji su im bili zanimljivi. Izuzevši ova neformalna druženja, kako u Sarajevu tako i tokom izleta u Mostar, mladi iz Njemačke i BiH pomagali su u uređenju dvorišta SPAJALICE, koje će postati izvor različitih metoda u omladinskom radu poput škole i snalaženja u prirodi, doživljajno jačanje tima i dr.

Projekt posjete podržala je njemačka fondacija Robert Bosch u okviru programa „Junge Wege in Europa“ (Mladi putovi u Evropi), a partneri i prijatelji projekta bili su: Općina Ilidža, 4. gimnazija Ilidža, i mnogi drugi.

16. Projekat **MASLAČAK – Reci DA zdravom životu**

U periodu od januara do decembra 2008. godine, održano je 10 radionice, 8 savjetovanja za mlade. Polaznici/e obuke održali/e su u svojim školama 10 radionica na kojima su svojim vršnjacima/kama prenijeli znanje koje su stekli na radionicama MASLAČKA. Obilježeni su i neki značajni dani : Dan zaštite ozonskog omotača, 16 septembra i Svjetski dan zaštite mentalnog zdravlja, 10. oktobra.

7. Škola fotografije



strana 4

Udruženje KULT, u saradnji sa Općinom Ilidža, organiziralo je kurs fotografije za mlade sa područja općine Ilidža. Projekat je realiziran u periodu od oktobra do decembra. Kurs je uspješno završilo 5 osoba.

8. Ostale aktivnosti

KULT je počeo sa štampanjem biltena Udruženja. Bilten se zove LICA i izlazi svaka tri mjeseca. U LICIMA se nalaze sažeci aktivnosti u protekla tri mjeseca.

Uposlenici/e KULTA prisustvovali su raznim seminarima, prezentacijama i radionicama koje su organizirale druge organizacije.